



XALQ DEPUTATLARI BULUNG'UR TUMAN KENGASHINING Q A R O R I

25- fevral 2021-yil

146/25 -son

“Bulung‘urtumangaz” gaz ta‘minoti bo‘limi tomonidan 2021-yil davomida amalga oshiriladigan ishlari to‘g‘risida

“Bulung‘urtumangaz” gaz ta‘minoti bo‘limi tomonidan 2021-yil boshidan bir qator ishlar amalga oshirildi. Tumandagi aholi xonadonlari va ishlab chiqarish hamda boshqa obyektlariga Bulung‘ur GRS va G‘o‘bdin GRS lari orqali tabiiy gaz yetkazib beriladi.

Hozirgi kunda tuman aholisi va ishlab chiqarish obyektlariga tabiiy gaz yetkazib berishda jami: 291.8 km gaz quvurlari mavjud bo‘lib, shundan yuqori bosimli 25.3 km, o‘rta bosimli 49.5 km va past bosimli 217.0 km gaz quvurlarini tashkil qiladi.

Tuman bo‘yicha hozirgi davrda jami: 214 ta GTQlar mavjud bo‘lib, shundan 22 tasi yuqori bosimli va 192 tasi past bosimli GTQ larni tashkil qiladi.

Hozirgi paytda tuman bo‘yicha aholi o‘rtasidagi tabiiy gaz iste‘molchilari soni 5400 ta bo‘lib, jami tuman aholi xonadonlarining 16,6% ni tashkil qiladi. Suyultirilgan gaz bilan ta‘minlangan xonadonlar soni 27636 ta bo‘lib, jami tuman aholi xonadonlarining 82 % ni tashkil qiladi. Ayni paytda 91 ta tabiiy gazdan foydalanuvchi ulgurji iste‘molchilar mavjud bo‘lib, “Bulung‘urtumangaz” gaz ta‘minoti bo‘limi tomonidan tumanda joylashgan 10 ta AGNKS (Avtomobillarga siqilgan gaz quyish shaxobcha) lariga tabiiy gaz yetkazib beradi.

2021-yil yanvar oyida aholi va ulgurji iste‘molchilarga 5 969 087 m³ tabiiy gaz yetkazib berildi.

Suyultirilgan gazdan foydalanuvchi aholi xonadonlariga 2021-yil yanvar oyida 258 600 kg gaz yetkazib berildi.

2021-yil 20-fevralgacha aholi va ulgurji iste‘molchilarga 3 087 000 m³ tabiiy gaz yetkazib berildi.

2021-yil 20-fevralgacha suyultirilgan gazdan foydalanuvchi aholi xonadonlariga 243 880 kg gaz yetkazib berildi.

2021-yil yanvar – fevral oylarida 520 ta maishiy gaz ballonlar olib kelingan bo‘lib, shundan 92 ta maishiy gaz ballon “Katta Qishloq” MFY Ingichka qishlog‘i aholisiga yetkazib berildi. 85 ta maishiy gaz ballon Xo‘jamazgil MFY aholisiga yetkazib berildi. Tumandagi 29 ta yosh oilalarga maishiy gaz ballonlar berildi. Qolgan 314 ta maishiy gaz ballonlar aylanma ballon hisobida foydalanilmoqda.

Tumandagi tabiiy gaz iste‘molchilarning 182 ta aholi xonadonlariga elektron gaz hisoblagich uskunasi (EGXU) o‘rnatilgan. Qolgan tabiiy gaz iste‘molchi qatlamiga “Xududgaz Samarqand” gaz ta‘minoti filiali tomonidan joriy yilning 2-choragida ajratilishi rejalashtirilmoqda.

Tumandagi tabiiy gazdan foydalanuvchi 91 ta ulgurji iste‘molchilarning 26 tasiga modem o‘rnatilgan bo‘lib, qolgan iste‘molchilarga ham modem o‘rnatish ishlari olib borilmoqda.

“Bulung‘urtumangaz” gaz ta‘minoti bo‘limida “Ijro intizomi” bo‘yicha yil boshidan virtual qabulxona va xalq qabulxonalarini orqali jami: 67 ta tabiiy gaz ta‘minoti va suyultirilgan gaz ta‘minoti bo‘yicha murojaatlar kelib tushgan bo‘lib, shularning 66 tasi o‘z yechimini topgan qanoatlantirish darajasi 89% ni tashkil qiladi. Qolgan 10% huquqiy ma‘lumot berish orqali tushuntirish ishlari olib borilgan. Ushbu murojaatlarni kamaytirish maqsadida “Bulung‘urtumangaz” gaz ta‘minoti bo‘limiga tuman bo‘yicha tahlil qilinganda 2210 ta maishiy gaz ballonlarga hamda Bulung‘ur tumani aholi xonadonlariga suyultirilgan gazni o‘z vaqtida yetkazib berish maqsadida tuman hududidan 1 dona gaz to‘ldirish shaxobchasi (GTSH) qurishga ehtiyoji mavjud.

2021-2022-yillar davomida “Bulung‘urtumangaz” gaz ta‘minoti bo‘limi tomonidan amalga oshiriladigan ishlar yuzasida quyidagilarni ma‘lum qilamiz;

Tumandagi foydalanishda mavjud gaz quvurlari mukammal ta‘mirlash bo‘yicha;

- “Samarqand” MFYda 1 dona gaz taqsimlash punktlarini mukammal ta‘mirlash;
- Tumanda foydalanishdagi barcha gaz quvurlarining gaz bosim sozlagichlarni taftish qilish jami 214 ta;
- Gaz quvurlarini bosim ostida zichlikka sinash va havo bosimi yordamida tozalash 53 km;
- Yer osti gaz quvurlarining xolatini pribor usuli bilan tekshirish 13 km;
- Gaz quvurlarini bo‘yoqlash 7 km;
- Dudburonlarning xolatini tekshirish, 5400 ta shular jumlasidandir.

Barcha tabiiy gaz va suyultirilgan gaz iste'molchilarga xizmat ko'rsatish bo'yicha;

- Tumandagi barcha 5218 ta tabiiy gaz iste'molchilarning xonadonlariga elektron gaz xisoblagich (EGXU) o'rnatilish;

- G'olibdin GRS xududidan 1 dona Sanoat tuguni qurish;

- Bulung'ur tumanidagi aholi xonadonlariga suyultirilgan gazni o'z vaqtida yetkazib berilishi uchun tuman xududidan 1 dona gaz taqsimlash shaxobchasi (GTSh)ni qurish;

“Bulung'urtumangaz” gaz ta'minoti bo'limi tomonidan 2021-2022-yillar davomida yuqorida keltirib o'tilgan amalga oshiriladigan ishlar yuzasidan chora-tadbirlar ishlab chiqilganligini ma'lum qilamiz.

O'zbekiston Respublikasi Prezidentining 2020-yil 18-iyundagi “Tabiiy gaz va elektr energiyasini sotish mexanizmini takomillashtirish bo'yicha qo'shimcha chora-tadbirlari to'g'risida”gi PF-6010-sonli qarori ijrosini ta'minlash maqsadida Xalq deputatlari tuman Kengashi 25-sessiyasi

QAROR QILADI:

1. “Bulung'urtumangaz” gaz ta'minoti bo'limi boshlig'i v.v.b Sh.O'rolovning “Bulung'urtumangaz” gaz ta'minoti bo'limining 2021-2022-yillar davomida amalga oshiriladigan ishlari to'g'risidagi axboroti ma'lumot uchun qabul qilinsin.

2. “Bulung'urtumangaz” gaz ta'minoti bo'limi (Sh.O'rolov)ga:

Tabiiy gaz va suyultirilgan gazni o'z vaqtida aholi xonadonlariga yetkazib berishida chora-tadbirlar ishlab chiqib belgilab olsin;

3. “Bulung'urtumangaz” gaz ta'minoti bo'limi (Sh.O'rolov)ga:

- Bulung'ur tumani “G'olibdin” MFYda joylashagan , GRS atrofidan 1 dona “Sanoat tuguni”ni qurishni joriy yilning 3-choragi yakuniga qadar bitkazilsin.

-tumandagi sektorlar rahbarlari (B.Baxramov, S.Saidov, B.Jo'raqulov, Sh.Eshmuradov) bilan birgalikda:

-aholi xonadonlariga tabiiy gaz uchun o'rnatilishi rejalashtirilayotgan EGXUlarni o'rnatish bo'yicha sektorbay kesimida izchil ishlarni amalga oshirish uchun hamkorlikda chora-tadbirlarni amalga oshirish;

4. tuman hokimining sanoatni rivojlantirish, kapital qurilish, kommunikatsiya va kommunal xo'jalik masalalari bo'yicha o'rinbosari (R.Xoljigitov) “Bulung'urtumangaz” gaz ta'minoti bo'limi (Sh.O'rolov) bilan birgalikda tumandagi aholi xonadonlariga suyultirilgan gazni o'z vaqtida yetkazib berish bo'yicha tuman hududidan (GTSh) gaz taqsimlash shaxobchasi qurish uchun loyiha hujjatlarini ishlab chiqib, tegishliligi bo'yicha takliflar kiritilsin.

5. “Bulung‘urtumangaz” gaz ta‘minoti bo‘limi (Sh.O‘rolov)ga:

Tumandagi “Guliston” MFY, O‘zbekiston ko‘chasidagi 1,3 km mavjud yer osti gaz quvurlarini hamda “Mexrjon” MFY Bulung‘ur shox ko‘chasidagi 0,5 km mavjud yer osti gaz quvurlarini rekonstruksiya qilish ishlarini amalga oshirish 2022-yil dasturiga kiritilsin.

6. “Bulung‘urtumangaz” gaz ta‘minoti bo‘limi (Sh.O‘rolov)ga tumandagi tabiiy gaz iste‘molchilarning orasida L-Gaz dasturidagilarni xozirgi kunda tabiiy gaz yetkazib berish imkoniyati borligi tufayli ushbu aholi xonadonlarni ro‘yxati shakllantirilib L-Gaz dasturidan “Billingaz” dasturiga o‘tkazish choralari ko‘rilsin.

7. Mazkur qaror bajarilishini nazorat qilish tuman hokimning o‘rinbosari (R.Xaljigitov) hamda tuman Kengashining “Sanoat, transport, qurilish, aloqa, kommunal xo‘jalik hamda aholiga xizmatlar ko‘rsatish masalalari bo‘yicha doimiy komissiyasi” (X.Bozorov) zimmasiga yuklatilsin.

Kengash raisi



B.Baxramov